



13. januar2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit mittarfiit pillugit:

1. Ilulissani, Nuummi, Qaqortumi, Tasiilami Ittoqqortoormiinilu mittarfiliassat pilersaarutigineqartut aningaasalersornissaannut suliaq sumut killippa aamma mittarfiit ataasiakkaat qanoq aningaasalersorneqarnissaat Naalakkersuisut naatsorsuutigaa?

2. Naalakkersuisut isumaqarnerlutik piviusorsioortuusoq, atlantiku qulaallugu timmisartunut mittarfiup Kangerlussuarmiittup ullumimut naleqqiullugu allannguuteqarani ingerlaannarnissaa, soorlu Ilulissani aamma/imaluunniit Nuummi atlantiku qulaallugu timmisartunut mittarfiliortoqassagalarpat?

3. Naalakkersuisut piviusorsioortutut isiginerlugu, atlantiku qulaallugu timmisartunut mittarfiup Narsarsuarmiittup ullumimut naleqqiullugu allannguuteqarani ingerlaannarnissaa, Qaqortumi nunap immikkoortuanut mittarfiliortoqassagalarpat?

4. Naalakkersuisut sunik pilersaaruteqarpap Kangerlussuarmi Narsarsuarmilu timmisartunut suluusalinnut maannakkut mittarfiusut eqqarsaatigalugit?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut:

Naalakkersuisut siulittaasuat ukiortaami oqalugiarnermi ersarissumik oqaatigaa, Qaqortumi, Nuummi Ilulissanilu nutaanik mittarfiliornerit aallartereersoq. Taamatut nalunaaruteqarneq tupaallannalarpoq, innuttaasut imaluunniit Inatsisartut ilisimatinneqarnikuunngimmata, sanaartugassat annertoorsuit aningaasalersornissaat aaqqinneqarsimansoq.

Demokraatini tamanna tunngavigalugu soqutiginarlutut isigaarput paasissallugu suliat ilisimasatsit maannakkut Kalaallit Airport A/S-miittut aningaasalersornissaannut suliaq sumut killissimansoq?



Aamma tamatsinnut soqutiginarpoq tusassallugu Naalakkersuisut Kangerlussuarmi Narsarsuarmilu mittarfinnut pioreersunut qanoq pilersaaruteqarnersuq, malunnarmat timmisartunut mittarfiit taakku maannakkutut ingerlatiinnarnissaannut aningaasatigut tunngavissaqassanngitsoq, Ilulissani, Qaqortumi Nuummilu mittarfiassatut pilersaarutaasut (mittarfiit tallinissaat) piviusunngortinneqarpata.

Uangut isumarput naapertorlugu Narsarsuarmi Kangerlussuarmilu innuttaasut paasisariaqarpaat Naalakkersuisut mittarfinnut pioreersunut qanoq pilersaaruteqarnersut.

Apeqqutit akeqquakka ullut suliffiit nalinnaasut qulit iluanni.